

前白佛言唯願世尊男女大小盡求作優婆塞尔時梵志婦懷妊婦人白佛言我有娠亦不知是男是女耶亦復自歸如來聽為優婆塞尔時如來與諸大衆說微妙之法即於座上而說此偈

快哉斯福報

所願必得果

漸至安隱處

十八末

永無憂厄患

死得生天上

設使諸魔天

亦復不能使

為福者墮罪

彼亦求方便

賢聖之智慧

當盡於苦本

長離去八難

尔時世尊說此偈已便從座起而去尔時翅

甯梵志聞佛所說歡喜奉行

增壹阿含經卷第四十五

增壹阿含經卷第四十六

松六

符秦建元年三藏曇摩難提譯

牧牛品第四十九之餘

聞如是一時佛在舍衛國祇樹給孤獨園尔時世尊告諸比丘我恒一坐而食身體輕便氣力強盛汝等比丘亦當一食身體輕便氣

一

海勝刊

力強盛得修行梵行尔時跋提婆羅白世尊言我不堪任而一食所以然者氣力弱劣佛告之曰若汝至檀越家一分食之一分持還家跋提婆羅白佛言我亦不堪行此法世尊告曰聽汝壞齋通日而食跋提婆羅白佛言我亦不堪任施行此法尔時世尊默然不報

尔時迦留陀夷向暮日入著衣持鉢入城乞食尔時極為闇冥時迦留陀夷漸漸至長者家又彼長者婦懷妊聞沙門在外乞食即自持飯出惠施之然迦留陀夷顏色極黑又彼時天欲降雨颯颯泄電尔時長者婦出門見沙門顏色極黑即時驚怖乃呼是鬼自便稱喚

咄我見鬼即時傷胎兒尋命終是時迦留陀夷尋還精舍愁憂不歡坐自思惟悔無所及尔時舍衛城中有如此之惡聲沙門釋種子呪墮他子其中男女各相謂言今諸沙門行無節度食不知時如在家白衣有何等異尔時衆多比丘聞諸人民各論此理沙門釋種子不知節度行來無忌其中持戒比丘戒完具者亦自怨責實非我等之宜食無禁限行無時節實是我等之非也各共相將至佛所頭面礼足以此因緣具白世尊尔時佛告一比丘汝往喚迦留陀夷使來是時彼比丘受佛教已即往喚迦留陀夷時迦留陀夷聞佛見呼即來至世尊所頭面礼足在一面坐尔時世尊問迦留陀夷曰汝審昨日暮入城乞食至長者家使長者婦胎墮乎迦留陀夷白佛言唯然世尊佛告迦留陀夷汝何故不別時節又復欲雨而入城乞食此非汝宜然是族姓子出家學道而貪著於食尔時迦留陀

夷即從座起白世尊言自今之後不敢復犯唯願世尊聽受懺悔尔時世尊告阿難曰速打捷椎集諸比丘在普會講堂阿難受佛教已即集諸比丘集在講堂前白佛言諸比丘已集世尊宜知是時尔時世尊即往講堂在中央坐告諸比丘過去久遠諸佛世尊皆一

於六

二

坐而食諸聲聞等亦一坐而食正使將來諸佛及弟子衆亦當一坐而食所以然者此是行道之要法應當一坐而食若能一坐而食身體輕便心得開解心已得解得諸善根已得善根便得三昧已得三昧如實而知之云何如實而知之所謂苦諦如實而知之苦集諦如實而知之苦盡諦如實而知之苦出要諦如實而知之汝等族姓子以出家學道捨世八業而不知時節如彼貪欲之人有何差別梵志別有梵志之法外道別有外道之法是時優波離白世尊言過去如來將來諸佛皆一坐而食唯願世尊當與諸比丘限時而

食世尊告曰如來亦有此智但未犯者要眼前有罪乃當制限耳尔時世尊告諸比丘我專一坐而食汝等亦當一坐而食今汝日中而食不得過時汝等亦當學乞食之法云何比丘學乞食之法於是比丘趣以支命得亦不喜不得亦不憂設得食時思惟而食無有貪著之心但欲使此身趣得存形除去舊病更不造新使氣力充足如是比丘名為乞食汝等比丘應當一坐而食云何比丘一坐而食起則犯食更不應食如是比丘名為一坐而食汝等比丘亦當應得食而食之云何比丘得而食之於是比丘以得食已更復有為

松六

三

我今教誡汝等當如面王比丘所以然者面王比丘著弊壞之衣不著校飾是謂比丘我之教誡當念修習如是比丘當作是學尔時跋提婆羅及經三月不至世尊所尔時阿難臨三月初至跋提婆羅比丘所而告之曰今諸眾僧皆補衲衣裳如是如來當人間遊行今不往者後悔無益是時阿難將跋提婆羅至世尊所頭面礼足並復白佛言唯然世尊聽我懺悔自今以後更不犯之如來制禁戒然我不受之唯願垂恕如是再三時佛告曰聽汝悔過後莫復犯所以然者我自念生死無數或作驢騾駱駝象馬猪羊以草養此四大形或在地獄中以熱鐵丸噉之或作餓鬼恒食膿血或作人形食此五穀或作天形食自然甘露無數劫中形命共競初無厭足優波離當知如火獲薪初無厭足如大海水吞流無足今凡夫之人亦復如是貪食無厭足尔時世尊便說此偈

生死不斷絕 皆由貪欲故 恚憎長其惡 愚者之所習

是故跋提婆羅當念少欲知足無起貪想與諸亂念如是優波離當作是學尔時跋提婆羅聞如來教誡已在閑靜之處而自剋責所以族姓子出家學道者欲修無上梵行生死

已盡梵行已立所作已辦更不復受有如實而知尔時跋提婆羅即成阿羅漢尔時世尊告諸比丘我弟子中第一聲聞多飲食者所謂吉護比丘是也尔時諸比丘聞佛所說歡喜奉行聞如是一時佛在鵝藝村中與大比丘眾五百人俱尔時世尊告諸比丘諸人民皆稱汝

等為沙門設復問汝等是沙門乎汝等亦言是沙門吾今告汝沙門之行婆羅門之行汝等當念修習後必成果如實不異所以然者有二種沙門有習行沙門誓願沙門彼云何名為習行沙門於是比丘行來進止視瞻容貌著衣持鉢皆悉如法不著貪欲瞋恚愚癡

但持戒精進不犯非法等學諸戒是謂名為習行沙門彼云何名誓願沙門彼於是或有比丘威儀戒律出入進止行步容貌視瞻舉動皆悉如法盡有漏成無漏於現法中身得證而自遊化生死已盡梵行已立所作已辦更不復受有如實知之是謂名誓願沙門是謂比丘二種沙門

尔時阿難白世尊言彼云何名為沙門法行婆羅門法行佛告阿難於是比丘食知足晝夜經行不失時節行諸道品云何比丘諸根寂靜於是比丘若眼見色不起想著與諸亂念於中眼根而得清淨除諸惡念不念不善

之法若耳聞聲鼻嗅香舌知味身知細滑意知法不起想著與諸亂念於意根而得清淨如是比丘根得清淨云何比丘飲食知足於是比丘量腹而食不求肥白但欲使此身趣存而已除去故痛新者不生得修梵行猶如男女身生瘡痍隨時以膏塗瘡常欲使瘡愈

故今此比丘亦復如是量腹而食如以膏膏車者欲致遠故比丘量腹而食者欲趣存命故也如是比丘飲食知足云何比丘恒知警寤於是比丘初夜後夜恒知警寤思惟三十七道品之法若晝日經行除去惡念諸結之想復於初夜後夜經行除去惡結不善之想想復於中夜右脇著地以脚相累惟向明之想想復於後夜出入經行除去不告之念如是比丘知時警寤如是阿難此是沙門要行彼云何名婆羅門要行於是比丘苦諦如實知之苦集苦盡苦出要如實而知之後以解此欲漏心有漏心無明漏心而得解脫已得解脫便得解脫智生死已盡梵行已立所作已辦更不復受胎如實知之此名為婆羅門要行之法阿難當知此名為要行之義也尔時世尊便說此偈

沙門名息心 諸惡永已盡 梵志名清淨
除去諸亂想

是故阿難沙門法行婆羅門法行當念修行其有衆生行此諸法然後乃稱為沙門復以何故名為沙門諸結永息故名為沙門復以何故名為婆羅門盡除愚惑之法名為梵志亦名為利利復以何故名利利以其斷姪怒癡故名為利利亦名為沐浴以何故名為沐浴以其洗二十一結故名為沐浴亦名為覺以何故名為覺以其覺了愚法慧法故名為覺亦名為彼岸以何等故名為彼岸以其從此岸至彼岸故名為彼岸阿難能行此法者然後乃名為沙門婆羅門此是其義當念奉行尔時阿難聞佛所說歡喜奉行

聞如是一時佛在釋翅迦毗羅越尼拘留園中與大比丘衆五百人俱尔時提婆達兜王于往至世尊所頭面礼足在一面坐是時提婆達兜白佛言唯然世尊聽我道次得作沙門佛告提婆達兜汝宜在家分檀惠施夫為沙門實為不易是時提婆達兜復再三白佛

言唯然世尊聽在末行佛復告曰汝宜在家不宜出家修沙門行。爾時提婆達兜便生此念。此沙門懷嫉妬心。我今宜自剃頭善修梵行。何用是沙門爲。是時提婆達兜即自退歸。自剃鬚髮著袈裟。自稱言我是釋種子。

爾時有一比丘名修羅陀頭陀。行乞食著補衲衣。五通清徹。是時提婆達兜往至彼比丘所。頭面禮足。前白言。唯願尊者當與我說教。使長夜而獲安隱。是時修羅陀比丘即與說威儀禮節。思惟此法捨此。就彼。是時提婆達兜兜如彼比丘教而不漏。夫是時提婆達兜白比丘言。唯願尊者當與我說神足道。我能堪任修行此道。爾時比丘復與說神足之道。汝今當學。心輕以知。心意輕重。復當分別四大。地水火風之輕重。以得知四大輕重。便當修行自在。三昧復當修勇猛三昧。以行勇猛三昧。復當修行心意三昧。已行心意三昧。復當行自戒三昧。已修行自戒三昧。如是不久。便

當成神足道。

爾時提婆達兜受師教。已自知心意輕重。復知四大輕重。盡修諸三昧。無所漏失。爾時不久。便成神足之道。如是無數方便。作變無量。爾時提婆達兜名聲流布四遠。是時提婆達兜以神足力。乃至三十三天。採取種種優鉢。

松六

七

蓮華。拘牟頭華。奉上阿闍世太子。又告之曰。此華是三十三天所出。釋提桓因遣來奉上太子。

爾時王太子見提婆達兜神足如是。便隨時供養。給其所須。太子復作是念。提婆達兜神足極爲難及。時提婆達兜復自隱形作小兒。身在王太子膝上。時諸婁女各作斯念。此是何人。爲是鬼耶。爲是天耶。語言未竟。便復化身。還復如故。是時王太子及諸宮人皆稱言。此是提婆達兜。即給與所須。又傳此言。提婆達兜名德不可具記。爾時衆多比丘聞已。往至世尊所。頭面禮足。白佛言。提婆達兜者極

大神足能得衣裳飲食牀卧具病瘦醫藥
佛告比丘汝等勿興此意著提婆達兜利養
又莫欽羨彼神足之力彼人即當以此神足
墮墜三惡道提婆達兜所獲利養及其神足
當復耗盡所以然者提婆達兜自當造身口
意行

尔時復興此念沙門瞿曇有神足我亦有神
足沙門瞿曇有所知我亦有所知沙門瞿曇
姓貴我亦姓貴若沙門瞿曇現一神足我當
現二沙門現二我當現四彼四我八彼八我
十六彼十六我三十二隨其沙門所現變化
我當轉倍尔時衆多比丘聞提婆達兜有此
語五百餘比丘至提婆達兜所到已時提
婆達兜及五百比丘受太子供養時舍利弗
自捷連自相謂言我等共到提婆達兜所聽
彼說法爲何論說即共相將至提婆達兜所
尔時提婆達兜遙見舍利弗目捷連來即告
諸比丘此一人是悉達弟子甚懷歡悅到已

共相問訊在一面坐尔時諸比丘各興此念
釋迦文佛弟子今盡來向提婆達兜尔時提
婆達兜語舍利弗言汝今堪任與諸比丘說
法乎吾欲小息又患脊痛是時提婆達兜以
脚相累右脅卧以其歡喜心故便睡眠尔時
舍利弗目捷連見提婆達兜眠即以神足接

松六

諸比丘飛在空中而去是時提婆達兜覺寤
不見諸比丘極懷瞋恚并吐斯言吾若不報
怨者終不名爲提婆達兜也此是提婆達兜
最初犯五逆惡提婆達兜適生此念即時失
神足尔時衆多比丘白世尊言提婆達兜比
丘極有神足乃能壞聖衆尔時世尊告諸比
丘提婆達兜不但今壞聖衆乃過去世時恒
壞聖衆所以然者乃往過去時亦壞聖衆復
與惡念我要當取沙門瞿曇殺之於三界作
佛獨尊無侶是時提婆達兜語阿闍世王古
昔諸人壽命極長如今遂短使王太子一旦
命終者則唐生於世間何不取父王害之紹

聖王位我當取如來害之當得佛新王新佛不亦使哉尔時阿闍世王即便差守門人取父王閉在牢獄自立為王治化人民時諸群庶各相謂言此子未生則是怨家之子因以為名阿闍世王尔時提婆達兜見阿闍世王檢父王已復興此念吾要當取沙門瞿曇害

之尔時世尊在耆闍崛山一小山側尔時提婆達兜到耆闍崛山手擎大石長三十肘廣十五肘而擲世尊是時山神金毗羅鬼恒住彼山見提婆達兜抱石打佛即時伸手接著餘處尔時石碎一小片石著如來足即時出血尔時世尊見已語提婆達兜曰汝今復興

松

九

意欲害如來此是第二五逆之罪尔時提婆達兜復自思惟我今竟不得害此沙門瞿曇當更求方便即捨而去至問闍世王所啓白王曰可飲黑象使醉使害沙門所以然者此象凶暴必能害此沙門瞿曇若當沙門有一切智者明日必不來入城乞食若無一切智

者明日入城乞食必當為此惡象所害也尔時阿闍世王即以醇酒飲象使醉告令國中人民曰其欲自安惜已命者明日勿復城中行來尔時世尊到時著衣持鉢入羅閱城乞食國中男女大小四部之眾聞阿闍世王以酒飲象欲害如來皆共相將至世尊所頭面礼足白佛言唯願世尊莫入羅閱城乞食何以故王阿闍世飲象使醉欲害如來佛告諸優婆塞夫等正覺終不為他人所害也尔時世尊雖聞斯言猶故入城尔時惡象遙見世尊來瞋恚熾盛奔趣如來欲得害之然佛見象來即說斯偈

象莫害於龍 龍象出現難 不以害龍故 得生於善處

尔時彼象聞如來說此偈已即前長跪舐如來足尔時彼象即以悔過心不自寧即便命終生三十三天尔時王阿闍世及提婆達兜見象已死慘然不悅提婆達兜語王曰沙門

瞿曇以取象殺王報之曰此沙門瞿曇有大
 神力多諸技術乃能呪此龍象殺之時王阿
 闍世復作是說此沙門必威德具足竟不為
 惡象所害提婆達兜報言沙門瞿曇有幻惑
 之呪能使外道異學皆悉靡伏何況畜生之
 類字是時提婆達兜復作是念我今觀察阿
 闍世王意欲變悔尔時提婆達兜愁憂不樂
 出羅閱城尔時法施比丘尼遙見提婆達兜
 來語提婆達兜曰汝今所造極為過差今悔
 猶易恐後將難時提婆達兜聞此語已倍復
 瞋恚尋報之曰无婢有何過差今易後難耶
 法施比丘尼報曰汝今與惡共并造衆不善
 之本尔時提婆達兜熾火洞然即以手打比
 丘尼殺尔時提婆達兜已害真人往至已房
 告語弟子汝等當知我今已興意向沙門瞿
 曇然其義理不應以羅漢復與惡還向羅漢
 吾今宜可向彼懺悔是時提婆達兜以此愁
 憂不樂尋得重病提婆達兜告語弟子我無

松六

十

此力得往見沙門瞿曇汝等當扶我至沙門
 所尔時提婆達兜以毒塗十指爪甲語諸弟
 子汝等昇我到彼沙門所尔時諸弟子即昇
 將至世尊所尔時阿難遙見提婆達兜遠來
 即白世尊言提婆達兜今來必有悔心欲向
 如來求改悔過佛告阿難提婆達兜終不得
 至世尊所尔時阿難再三復白佛言今此提
 婆達兜以欲求至求其悔過佛告阿難此惡
 人終不得至如來所此人今日命根已熟尔
 時提婆達兜未至世尊所語諸弟子我今不
 宜卧見如來宜當下牀乃見耳提婆達兜適
 下足在地尔時地中有大火風起生燒提婆
 達兜身尔時提婆達兜為火所燒便發悔心
 於如來所正欲稱南無佛然不究竟適得稱
 南無便入地獄尔時阿難已見提婆達兜入
 地獄中白世尊言提婆達兜今日已取命終
 入地獄中耶佛告之曰提婆達兜不為滅盡
 至究竟處今此提婆達兜興起惡心向如來

松六

十一

身身壞命終入阿鼻地獄中。爾時阿難悲泣涕淚不能自勝。佛告阿難：汝何為悲泣？乃爾阿難白佛言：我今欲愛心未盡，未能斷欲，故悲泣耳。爾時佛世尊便說斯偈：

如人自造行，還自觀察本。善者受善報，惡者受惡殃。世人為惡行，死受地獄苦。

設復為善行，轉身受天祿。彼自招惡行，自致入地獄。此非佛怨咎，汝今何為悲。

爾時阿難白世尊言：提婆達兜身壞命終，為生何處？佛告阿難：今此提婆達兜身壞命終，入阿鼻地獄中。所以然者，由其造五逆惡故，致斯報。爾時阿難復重白佛：如是世尊如聖尊教也。己身為惡，現身入地獄，所以我今悲泣涕淚者，由其提婆達兜不惜名号，姓族故亦復不為父母尊長，辱諸釋種，毀我等門戶。然提婆達兜現身入地獄，誠非其宜。所以然者，我等門族出轉輪聖王位，然提婆達兜身出於王種，不應現身入地獄中。提婆達兜應

當現身盡有漏，成無漏心，解脫慧解脫於此。現身得受證果，生死已盡，梵行已立，所作已辦，更不復受胎。如實知之，習真人跡，得阿羅漢於無餘涅槃界，而般涅槃，何苦持此現身入地獄中？提婆達兜在時有大威神，極有神德，乃能往至三十三天，變化自由，豈意斯人復入地獄乎？不審世尊提婆達兜在地獄中，為經歷幾許年歲？佛告阿難：此人在地獄中，經歷一劫。是時阿難復重白佛言：然劫有兩種，有大劫、小劫。此人為應何劫？佛告阿難：斯人當經歷大劫。所謂大劫者，即賢劫。是盡劫數行盡，命終還復人身。阿難白佛：提婆達兜盡喪人根，遂復成就，所以然者，劫數長遠，夫大劫者，不過賢劫。爾時阿難倍復悲泣哽咽，不樂復重白佛：提婆達兜從阿鼻地獄出，當生何處？佛告阿難：提婆達兜於彼命終，當生四天王上阿難復問於彼命終，當生何處？佛告阿難：於彼命終，展轉當生三十三天。焰天

校六

三

兜率天化自在天他化自在天阿難復問於彼命終當生何處佛告阿難於是提婆達兜從地獄終生善處天上經歷六十劫中不墮三惡趣往來天人最後受身當剃除鬚髮著三法衣以信堅固出家學道成辟支佛名曰南無亦時阿難前白佛言如是世尊提婆達兜由其惡報致地獄罪為造何德六十劫經歷生死不受苦惱後復成辟支佛名曰南無佛告阿難彈指之頃發善意其福難喻何況提婆達兜博古明今多所誦習摠持諸法所聞不忘計彼提婆達兜昔所怨讎起殺害心向於如來復由曩昔緣報故有喜悅心向於如來由此因緣報故六十劫中不墜墮三惡趣復由提婆達兜最後命終之時起和悅心稱南無故後作辟支佛名曰南無亦時阿難即前禮佛重自陳說唯然世尊如神所教是時大目犍連前白佛言我今欲至阿鼻地獄中與提婆達兜說要行慰勞慶賀佛告目

連汝宜知之勿復卒暴車心正意無興亂想所以然者極惡行衆生難調難成然後乃墮阿鼻地獄中又彼罪人不解人間音響言語往來亦時目連復白佛言我今所解六十四音言語開通我當以此音響往語彼人佛告目連汝宜知時是時阿難聞斯語已歡喜踊躍不能自勝時大目連前禮佛足遶佛三匝即於佛前猶如力士屈伸臂頃即往至阿鼻地獄所亦時大目連當在阿鼻地獄上虛空中彈指覺曰提婆達兜亦時提婆達兜默然不應時諸獄卒語目連曰汝今為喚何者提婆達兜獄卒復白此間亦有拘屢孫佛時提婆達兜拘那含牟尼佛時提婆達兜迦葉佛時提婆達兜亦有在家提婆達兜出家提婆達兜汝今比丘正命何者提婆達兜目連報曰吾今所命釋迦文佛叔父兒提婆達兜故欲相見是時獄卒手執鐵叉或執火焰燒炙彼身使令覺寤亦時提婆達兜身體火

卷六

十三

焰熾然高三十肘諸獄卒告曰汝今愚人何為眠寐尔時提婆達兜眾苦所逼而報之曰汝等今日何所教勅獄卒復語汝今仰觀空中尋隨彼語仰觀虛空見大目連結跏趺坐坐寶蓮華如日披雲提婆達兜見已便說斯偈是誰現天光如日披雲出猶如金山聚

永無塵穢汗

尔時目連復以偈報

我是釋師子

瞿曇之族末

是彼次聲聞

名曰大目連

尔時提婆達兜語目連曰尊者目連何由故屈此間此間眾生造惡無量難可開化不作善根命終之後來生此間目連報曰我是佛使故來適此欲相愍念眾苦元本尔時提婆達兜聞佛音響歡喜踊躍不能自勝并吐此言唯願尊者以時敷演如來世尊有何言教更不記說惡趣之元乎目連報曰提婆達兜勿懷恐怖地獄極苦無過斯處彼釋迦文佛

如來至真等正覺愍念一切蚰飛蠢動如母愛子心無差別以時演義終不失叙亦不違類所演過量今神口所記汝本興起惡念欲害世尊復將教餘人使趣惡源由此緣報入阿鼻地獄中當經歷一劫終無出期盡其劫數行盡命終當生四天王上展轉當生三十

松六

十四

三天焰天兜術天化自在天他化自在天六十劫中不趣惡道周流人天之間最後受身還復人形剃除鬚髮著三法衣以信堅固出家學道當成辟支佛号名曰南無所以然者由汝初死臨斷命時稱南無故致斯号今彼如來觀此善言南無故說名号六十劫中作辟支佛

尔時提婆達兜聞斯語已歡喜踊躍善心生焉復白目連如來所說言教必然不疑愍念群生所濟無量大慈大悲兼化愚惑設我今日以右脅卧阿鼻地獄中經歷一劫心意專正終無勞倦尔時目連復告提婆達兜曰汝

今云何苦痛巨有增損乎提婆達兜報曰我身苦痛遂增無損今聞如來見授名号痛猶小折蓋不足言目連問曰汝今所患苦痛之源為像何類提婆達兜報曰以熱鐵輪轆我身壞復以鐵杵咬咀我形有黑暴象踟躕我身復有火山來鎮我面昔日袈裟化為銅鏃

極為熾然來著我體苦痛之源其狀如斯目連報曰汝頗自知罪過元本受斯苦惱不乎吾今一一分別卿欲聞耶提婆達兜白言唯然時說尔時目連便說此偈

汝本最勝所壞亂比丘僧今以熱鐵杵
松六 汝本最勝所然彼之大眾第一聲聞者十五

閻亂比丘僧今以熱輪轆汝本教王放
 醇酒飲黑象今以群黑象踟躕汝形體
 汝本以大石遙擲如來足今以火山報
 燒汝無遺餘汝本以手拳殺彼比丘尼
 今被熱銅鏃捲焦不得伸行報終不敗
 亦復不住空是故當勸勉離此諸惡元

汝本提婆達兜所造元本正謂斯耳當自尊意向佛如來長夜之中獲福無量尔時提婆達兜復白目連今寄目連頭面礼世尊足與居輕利履步康強亦復礼拜尊者阿難尔時尊者大目捷連放大神足使阿鼻地獄苦痛休息尔復說斯偈

皆稱南無佛 釋師最勝者 彼能施安隱 除去諸苦惱

尔時地獄衆生聞目連說此偈已六萬餘人行盡罪畢即彼命終生四天王上尔時目連即攝神足還至所在到世尊所頭面礼足在一面立尔時目連白世尊曰提婆達兜問訊敬奉無量與居輕利遊步康強亦復問訊阿難難並作是說如來見記六十劫中或碎支障号名曰南無設我以右脅卧阿鼻地獄中終不辭勞尔時世尊告曰善哉善哉目連多所饒益多所潤及愍念群生天人得安使諸如來聲聞漸至滅盡涅槃之處是故目連常當

勤加成就三法所以然者若當提婆達兜修
行善法身三口四意三者彼人終身不貪利
養亦復不造五逆罪入阿鼻地獄中所以然
者夫人貪利養者亦有恭敬之心向於三寶
亦復不奉持禁戒不具足身口意行當念專
意身口意行如是日連當作是學亦時目連

聞佛所說歡喜奉行

聞如是一時佛在舍衛國祇樹給孤獨園
時世尊告諸比丘若有衆生修行慈心解脫
廣布其義與人演說當獲此十一果報云何
為十一卧安覺安不見惡夢天護人愛不毒
不兵水火盜賊終不侵枉若身壞命終生梵

天上是謂比丘能行慈心獲此十一之福
時世尊便說斯偈

若有行慈心 亦無放逸行 諸結漸漸薄
轉見於道跡 以能行此慈 當生梵天上
速疾得滅度 永至無為處 不殺無害心
亦無勝負意 行慈普一切 終無怨恨心

是故比丘當求方便行於慈心廣布其義如
是比丘當作是學亦時諸比丘聞佛所說歡
喜奉行

十六末

增壹阿含經卷第四十六

樊

世余世捷稚直上音軋下音慙寤寤下音
勸勉免下音慙寤寤下音

脊音肘反知柳舐反時止慘反十感過差下佳反
反譽昇余下音醇酒上音涕淚體上音頃噎上音

結一怨讎二字音慰勞到反即屢力句蚶烏綠
蠱反尺尹叵反我轢音唇又咬咀上音甫下

蹈上徒音盜反銅鏢下音捷稚子古速下
下紆往反

增壹阿含經卷第四十七

禮三寶品第五十

聞如是一時佛在舍衛國祇樹給孤獨園
時世尊告諸比丘若有善男子善女人欲禮拜
如來神寺者當行十一法禮如來寺云何為

增壹阿含經卷第四十七

松七

符秦建元年三藏曇難提譯

禮三寶品第五十

聞如是一時佛在舍衛國祇樹給孤獨園
時世尊告諸比丘若有善男子善女人欲禮拜
如來神寺者當行十一法禮如來寺云何為

蘇潤